

Na osnovu člana 34. Zakona o izvršavanju Budžeta za 2014. godinu („Službene novine Zeničko-dobojskog kantona“, broj: 15/13) i člana 137. Zakona o socijalnoj zaštiti, zaštiti civilnih žrtava rata Zeničko-dobojskog kanton („Službene novine Zeničko-dobojskog kantona“, broj: 13/07 i 13/11), Zeničko-dobojski kanton – Ministarstvo za rad, socijalnu politiku i izbjeglice, raspisuje:

JAVNI POZIV
za prikupljanje prijedloga projekata radi dodjeljivanja sredstava za finansiranje i
sufinansiranje projekata povodom obilježavanja „Dječije nedjelje“
u Zeničko-dobojskom kantonu

I. Predmet javnog poziva

Javnim pozivom prikupljaju se prijedlozi projekata radi dodjele sredstava za finansiranje i sufinansiranje projekata koji su posvećeni obilježavanju „Dječije nedjelje“, a u svrhu preduzimanja mjera i akcija za unapređenje zaštite i brige o djeci na području Zeničko-dobojskog kantona.

II. Pravo učešća

Na Javni poziv mogu se prijaviti pravna lica, odnosno: jedinice lokalne samouprave, ustanove socijalne i dječije zaštite, kao i udruženja i fondacije (u daljem tekstu: Korisnici) čije su programske aktivnosti usmjerene na unapređenje zaštite i brige o djeci sa područja Zeničko-dobojskog kantona. Prilikom razmatranja, prednost će imati prijedlozi projekata zasnovani na partnerstvu vladinog i nevladinog sektora. Prijedlozi projekata Korisnika koji nisu dostavili izvještaje o realizaciji dodijeljenih kantonalnih budžetskih sredstava u 2013. godini neće biti uzeti u razmatranje.

III. Namjena

Pravo na korištenje sredstava mogu ostvariti Korisnici čiji se projektni prijedlozi odnose na:

1. omogućavanje podrške porodicama sa djecom koje se nalaze u stanju socijalne potrebe usljed prirodne nesreće – poplava;
2. jačanje postojećih ili uvođenje novih usluga za djecu korisnike socijalne i porodične zaštite sa naglaskom na usluge za djecu ometenu u fizičkom i/ili psihičkom razvoju;
3. promotivne i dr. aktivnosti o značaju primjene Konvencije o pravima djeteta.

Maksimalan iznos budžeta projektnih prijedloga definisan ovim Javnim pozivom je 10.000,00 KM.

Sljedeće aktivnosti su neprihvatljive za finansiranje kroz ovaj Javni poziv:

1. Projekti čija se realizacija planira izvan Zeničko-dobojskog kantona ili je usmjerena na zadovoljavanje ličnih interesa pojedinaca;
2. Kupovina ili iznajmljivanje objekata (sportske dvorane i sl.), opreme koja nije neophodna za realizaciju projektnih aktivnosti;
3. Retroaktivno finansiranje već realizovanih aktivnosti.

IV. Potrebna dokumentacija za učešće na Javnom pozivu

Uz popunjen prijavni obrazac br. 1, podnosilac treba priložiti prateću dokumentaciju kako slijedi:

1. Rješenje o upisu u registar pravnih lica kod nadležnog organa - ovjerena fotokopija,
2. Identifikacioni broj - ovjerena fotokopija,
3. Bilans stanja i uspjeha za prethodnu godinu - fotokopija,
4. Uvjerjenje o izmirenim poreskim obavezama izdato od strane nadležne poreske uprave,

5. Prijedlog projekta izrađen u skladu sa obrascem br. 2,
6. Finansijski plan sa dokazom o visini sredstava koji je obezbijeđen iz vlastitih ili drugih izvora finansiranja izuzev kantonalnih budžetskih sredstava,
7. Izjava da isti projekat nije dobio sredstva po osnovu konkursa drugih ministarstava Zeničko-dobojskog Kantona, ovjerena od nadležnog organa,
8. kratku biografiju sa podacima o stručnoj spremi i iskustvu osobe/osoba koje će učestvovati u realizaciji projektnih aktivnosti.

V. Kriteriji za ocjenu programa

Pregled i utvrđivanje liste projekata koji će se finansirati iz Budžeta Zeničko-dobojskog kantona za 2014. godinu, izvršiti će Komisija za ocjenu i odabir projekata koji se odnose na obilježavanje „Dječije nedjelje“.

Kriteriji za ocjenu projekata su:

- doprinos projekta u ostvarenju namjene obilježavanja „Dječije nedjelje“,
- broj djece koja su direktno obuhvaćena projektom,
- broj osoba koje su indirektno obuhvaćeni projektom,
- sufinansiranje projekta iz sopstvenih i iz drugih izvora,
- saradnja sa drugim Korisnicima na realizaciji projektnih aktivnosti,
- ekonomičnost projekta,
- doprinos na unapređenju međusektoralne saradnje,
- unapređenje usluga socijalne zaštite i zaštite porodice sa djecom na području Zeničko-dobojskog kantona.

Kriteriji će biti bodovani u rasponu od 0 do 5 bodova po svakoj pojedinačnoj stavci prilikom ocjene podnesene projektne dokumentacije.

VI. Podnošenje projekata

Prijave na Javni poziv, sa potrebnom dokumentacijom definisanom ovim Javnim pozivom, dostavljaju se u zatvorenoj koverti u Ministarstvo za rad, socijalnu politiku i izbjeglice, na adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br. 2, 72000 Zenica, Bosna i Hercegovina

Sa obaveznom naznakom: „Ne otvarati – Prijava na Javni poziv za prikupljanje prijedloga projekata radi dodjeljivanja sredstava za finansiranja i sufinansiranje projekata povodom obilježavanja „Dječije nedjelje“ u Zeničko-dobojskom kantonu“

Javni poziv i obrasci br. 1 i br. 2 bit će objavljen na službenoj web stranici Zeničko-dobojskog kantona (www.zdk.ba) i Dnevnom avazu, a ostaje otvoren 15 dana od dana objavljivanja u Dnevnom avazu.

Nepotpune i neblagovremene prijave neće biti uzete u razmatranje.

Odluka o odabranim projektima objavit će se na službenoj web stranici Zeničko-dobojskog kantona (www.zdk.ba).

Sve dodatne informacije o načinu i postupku učešća u Javnom pozivu, mogu se dobiti u Ministarstvu za rad, socijalnu politiku i izbjeglice Zeničko-dobojskog kantona ili putem telefona 032/245-432.